

Saehgvaiq Mboujduenh



怪事不断



□Lngz Siuyangh/凌秀香

Mbouj Ndaej Haeujdaeu 不得进来

Dahyi gipgip muengzmuengz buet daengz lajlaeuz aen bumwnz cwngfuj he, baez yawj soujbiuj, lij ndei, liz roengzban seizgan lij miz ngeihcib faencung, de gyavaiq yamqdin, byaij daengz bakdou samlaeuz Fucujyin bangunghsiz. Aen bangunghsiz neix haemq gvangq, ndawde cij miz aen daizbangungh ndeu, boux mehmbwk cungnienz he naengh youq gizhaenx.

“Mwngz ndei!” Dahyi doq gangj doq yaek yamq haeuj dou bae. “Mboujndaej haeujdaeu”. Sawq-mwh, dingqyi mehmbwk daihsing hemq coenz ndeu. Dahyi lumj bungqdienh nei gipmuengz suk din dauqlaeng, youh vueng youh geizheih, yawjyawj ndaw ban-gunghsiz, mbouj raen miz maz saeh mbouj ndaej yawj, Dahyi cingq geizheih, mehmbwk haenx hwnqndang yiengq bakdou byaij daeuj, doq byaij doq naeuz: Gou ngamq vuet dibanj, caengz hawq ne.

Dahyi dingq le, soeng gaemz-heiq ndeu, de yawjyawj dibanj, daej mboujdwg, riu mboujdwg.

Couh yienghneix, Dahyi ndwn youq baihrog bakdou, cazcam gij saeh de siengj cam haenx. Mehmbwk haenx ndwn youq baihindaw bakdou hoizdap.

Bang Sij Faenzcieng 代写文章

“Dingling, dingling”, soujgih yiengj lo, Dahyi baez ciep, naeuz: “Mwngz ndei ha, mwngz dwg byawz

ne?”

“Mwngz dwg Dahyi lwi?”

“Dwg ha, mwngz dwg byawz?”

“Gou dwg XXX Cazcise, geiq ndaej mwngz douzgauj hawj dou gvaq, dwg lwi?”

“Dwg ha, dwg mbouj dwg faenzcieng gou miz maz sij mbouj deng ne?”

“Faenzcieng mbouj miz saeh, mwngz miz lunvwnz lwi?”

“O, bingzseiz gou cij sij di saeh fatseng youq henz ndang gou haenx, soqlaiz mbouj sij lunvwnz, hix mbouj rox sij.”

“Mwngz siengj sij lwi?”

“A!?”

“Danghnaeuz mwngz siengj sij, gou bang mwngz sij.”

“A……Miz cungj saeh neix ha? Sij, sij bien ndeu aeu geijlai ngaenz?”

“Mwngz yaek fatbiuj lwi?”

“Dangyienz aeu fatbiuj ha!”

“Song cien cihsaw baedauq aeu 3000 maenz, cij sij mbouj fatbiuj aeu 2000 maenz.”

“O! Haemq bengz bw!”

“Mwngz yaek bingz cizcwngh gaepcung roxnaeuz gaepgau?”

“Gou dwg bouxgunghyinz he, cij dingqgangj bingz senhcin bw.”

“O, gauxca mwngz lo.” Cij dingqnyi “gaep” sing ndeu, dienhvah goenq lo.

Ngaenzbouj Gyadienh Roengz Mbanj 家电下乡补助款

“Dingling”, soujgih yiengj lo, Dahyi baez ciep, naeuz: “Mwngz ndei!”

“Mwngz ndei! Mwngz dwg

Dahyi lwi?”

“Dwg ha, mwngz dwg byawz?”

“Gou dwg caizcwnggiz.

Mboengqgonq mwngz cawx aen cimozdouz ndeu, haumaj dwg XXXX ba?”

“Dwg ha, miz maz saeh ne?”

“Gou dwg boux banhleix ngaenzbouj gyadienh roengz mbanj, cingj mwngz vaiq di daeuj banhleix soujsuz ha.”

“A……Mbouj dwg hoh nungz-yez hix ndaej yiengjsouh aen cwngecwz neix ha?”

“Dwg vei, guek raeuz moix bi cungj hawj di cijbyauh hawj hoh feihnungzyez, aen hauhci mwngz seizheiq ndei, ndaej yiengjsouh ngaenzbouj lo, mwngz aeu vaiq di daeuj banhleix, hamjbi couh mbouj miz yungh lo.”

“Ndei, gou caenhliengh vaiq bae banhleix.”

“Seizneix gaenq gyawj byaibi, gak aen danhvei gak aen bumwnz cungj nyaengq, danghnaeuz mwngz mbouj ndaej hoengq daeuj banhleix, couh naeuz ngaenzhangz canghau hawj gyoengqdou nyi, gou daj ngaenz roengzbae hawj mwngz.”

“Ndei lai lo, dauqlaeng gou caiq hawj canghau hawj mwngz.”

Gvaqlaeng, Dahyi dwk dienhvah bae minzcwnggiz cazcam, gaenbonj mbouj miz cungj saeh neix. Gvaq le song ngoenz, youh miz vunz dwk dienhvah hawj Dahyi, cam de aeu ngaenzhangz canghau, Dahyi gyaj-cang doeksaetyat naeuz: “Gaenq banh ndei lo, ngaenz hix daengz fwngz, mwngz mbouj rox ha?”

“Du……du……”, dienhvah baihde goenq lo.

Angqhoh Yenzdan 庆祝元旦

□Sub Dasingb /苏大星

Gwnzdeih ci rumzcin
Geiznding mbin gwnzgyaeuj
Vunzlai sim raeujraeuj
Bi’moq daeuj angqfaengz

Gaijgwz samhaj bi
Gizgiz bienq naj moq
Hailangh byaij hwnj loh
Yienghyiengh goj swnhfwngz

Ginghci raeuz fazcanj
Singzmbanj bienq fouqmiz
Guek giengz hoengh lumj fiz(feiz)
Guekfuengz hix engq maenh

Minzswngn ndaej gaijndei
Mbouj gwnheiq haemzhøj
Raeuz gensez guekcoj
Byaij baecoh siujgangh

Dangj youq naj yinx loh
Gyoengqvunz goj ok rengz
Reihnaz yungh sim geng
Baihnaej engq ronghsag

Dangj Sanhcungh Cenzvei
Gveihva ndei baihnaj
Gaijgwz haeujlaeg ma
Hailangh gya mbe’gvangq

Byaij seveicujyi
Miz Cungguek daegsaek
Gaijgwz yied haeujlaeg
Gwndaen mbaekmbaek sang

Cibbet Daih cingsaenz
Aeu gaem maenh fazcanj
Samcung cienzhoih gangj
Aeu banh ndei minzswngn

Siengjmuengh Gungguek raeuz
Saedyienh gyaeu lumj veh
Aeu cingzcik bae deq
Va yied mbe yied rang

Raeuz angqhoh yenzdan
Sim van coux bi’moq
Gunghoh raeuz guekcoj
Bibi goj hoenghhwd

Veiz Gozcingh Sangcieng Cawj- guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

De iugouz linzyezdingh ciuq gij fuengcim Swcigih Dangjveij dingh haenx, daezok gij giva daengx gih 3 bi、5 bi、7 bi cauh ndoeng loegvaq haenx, caemhcai caenndang gyroeb-comz hai hoih guh yaenglwnh, dingq gij yigen lauxhangz caeuq gak aen bumwnz haenx, guh ndei coihsingh.

Youq gwnz aen hoih Daengx Gih Hong Ndoengfaex bi 1963 ndwen 10 ndawnyied daengz ndwen 11 co hai haenx, Veiz Gozcingh ciuq gij yigen Swcigih Dangjveij yaenglwnh ndaej haenx, caenh’itbough guh le aen baijbouh cienzmienh hawj hong ndaem faex cauh ndoeng Guengjsae.

De naeuz: “Ndaem faex cauh ndoeng, baujhoh ndoengfaex, hableix raemj faex, dwg gij saeh laux nangq deng guekgya hwnjguh gingci caeuq mbefat gozminz ginghci haenx. Ndoengfaex mboujdanh caeuq nungz-yez、ndoengfaex、langh doihduz、fusizbinj、dwkbya daengj gak hangz

fazcanj gvanhaeh maedciet, caemh-caiq caeuq gwn、daenj、youq、yungh, caeuq gunghyez、gaicawx、gyaudoeng dajyinh、reguek daengj cungj gig miz gvanhaeh. Guengjsae ngaih baenz cairengx, raeuz siengj gaijgez gij haih mbwnrengx neix, dangyienz aeu guh suiqli, hoeng daj gaenbonj bae gangj, itdingh aeu daihliengh ndaem faex cauh ndoeng cix ndaej.”

De iugouz gij goengdaeuz dangjcwng gak gaep, ciuq gij gezcwz cunghyangh caeuq swcigih haenx,

roengzmaenh gij gienzleih ndoengfaex guekmiz、cizdij miz caeuq seyen z gag miz haenx, veh cingcuj gyaiqbua, hawj daihgva laemxsim bae ndaem faex hoh faex. Gij gaxgonq cawjleix gvaq haenx aeu diemjcaz, gij roengzmaenh mbouj gaeuq haenx aeu boujgoq, gij caengz ndaej roengzmaenh haenx aeu nyinh-caen roengzmaenh. Doengzseiz aeu giethab gij yinhdoeng son’gyauq seveicujyi haenx, leihyungh hai hoih dangj daibyauij、hoih lwgminz daibyauij caeuq gak cungj seizndei,

gvangqlangh haeujlaeg dwk doiq ganbu caeuq seyen z guh ndaem feix cauh ndoeng、hoh ndoeng re feiz、mbefat hong ndoengfaex gij son’gyauq neix, daegbied aeu gangj cingcuj hong ndoengfaex caeuq gunghyez、nungz-yez、gozminz ginghci、vunzlai guh hong gwndaen miz maz gvanhaeh. Lij aeu haeujsim gaijgez mbanj vwndiz gidij ndaw hong ndaem faex cauh ndoeng、hoh ndoeng re feiz、raemj faex haenx.

(caengz sat)